



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

20 Februarij. 10 Cal. Mart.

urn:nbn:de:hbz:466:1-45295

Aug-
mentū
gratiæ
DEI.

eidem strenuè cooperamur. Tu igitur, qui à principijs exiguis, laboriosa sedulitate, ad gradus summos pervenisti: doce me necessaria Divinæ gratiæ augmenta ex geminis illis fontibus haurire: qui non sunt alij, quàm gratiarum actio, & operatio boni assidua.

S. BERNARDUS, serm. 27. de divers.

Gratiarum actio mereatur Gratiā

Felix, qui ad singula dona gratiæ, redit ad eum, in quo est plenitudo gratiarum: cui dum nos pro acceptis non ingratos exhibemus, locum in nobis facimus gratiæ, ut majora adhuc accipere mereamur.

(☼)(☼)(☼)(☼)§(☼)(☼)(☼)

20 Februarij. 10 Cal. Mart.

Obijt
anno
1179.

Purissimuset.

BISEMBARDE, Monache Hemmenrodensis: qui ut cœlestem illam, DEO & Angelis gratam, animi corporisque puritatem, in eo candore conservares, quem à Baptismo recepisti; gemino te præsidio contra hostium insultus armasti; sensuum nempe exteriorum diligenti custodiâ; & vigilantia in oratione. Et illam quidem juvabat Divinæ majestatis, memoriam tuam nusquam deserens, præsentia: hanc

ve-

verò ejusdem Summi Boni intensissimus amor, qui preces tuas Seraphico quodam igne inflammabat. Dum sacrasupellectilis curam gerebas; ipsæ Aræ, Templi parietes, & ornamenta ad cultum Divinum spectantia, animi tui munditiem ob oculos ponebant. Sed & Horologii (cujus directio tuum, velut Sacristæ, erat officium) horarius index, per tuam solitudinem, non minùs cum solis cursu, quàm cor tuum cum Divinæ Voluntatis amussi, perpetuò conveniebat. Tandem senio, gravique morbo, vitæ mortalis filum abruptente, postrema nocte quater in extasim raptus, ac denuo tibi ad multorum solatium restitutus, admiranda quædam de Beatorum in cælo felicitate referebas: maximè de splendore cucullæ pauperulæ, qua ibi Cistercienses, præ alijs sanctis, fulgeant: quàm deinde sublimi solio honoretur humilitas: quàm porrò ineffabili luminis superni gloria emineat purus à mundi vanitate animus. Atque ut dictis fidem astrueres; plura præsentibus arcana detexisti, plura, suos eventus à Providentia DEI in futurum expectantia. Finem sermoni fecit exoptata mors: quæ te instar placidi soporis occupans, illorum fortunatissimo cœtui

Diligentia in officio Sacristæ.

In extasim raptus

Et miram refert.

te

te conjunxit, quem in spiritu paulò antè salutaveras. *Impertire mihi nunc*

Diligē- *tuam in rebus sacris diligentiam: quæ me*
tia in *semper admoneat: Sancta esse sanctè tra-*
rebus *standa: neque ad illa unquam accedam;*
sacris. *nisi puris manibus, mūdo corde, & fervi-*
da devotione.

Circa **B. ULRICE:** qui Hefelbergæ in
annum Anglia parvæ cellæ, templo vicinæ, in-
1200. clusus, præscriptam Cisterciensibus vi-
 vendi normam ad unguem observasti;
 latere quidem. & omninò ignorari cu-
 piens: at ex humilitatis umbra clariùs
 emicans sanctimonix tuæ lux, per re-
 velationes & miracula, te in hominū
 notitiam, ac post fata in publicam ve-
 nerationem produxit. *Impetra mihi va-*

Uni ut *na gloriæ contemptum: ut humana de me*
placeas *judicia, qualiacunque demum illa sint,*
Deo cu- *nec quærens, nec formidans, actiones &*
randū. *intentiones meas, ad unum arbitrum, &*
cordis inspectorem Deum referam.

Circa **B. JOANNES,** Converse Villari-
annum ensis: in cujus vita, velut quædam ma-
1170. ores stellæ, spectabiles erant inprimis
 humilitas, quæ te minus nihilo reputa-
 bas: inde abnegatio tui ipsius, qua in
 te rigidus: charitas denique, qua erga
 omnes mitis & obsequiosus eras. *Orna*
etiam me hac pulchra trinitate virtutum,
erit animæ meæ ornamentū, quia trinum,
ideo perfectum. S. Ber-

S. BERNARDUS, lib. 3. de Confid.

*Spiritualis homo omne opus suum tri-
na consideratione praveniat. Primo
an liceat: deinde an deceat: postremò
an expediat.*

Actio-
nū re-
gula.

(☉)(☉)S(☉)S(☉)S(☉)(☉)

21 Februarij. 9 Cal. Mart.

B P E T R E cognomento Tolosane; Clarævallis monache: qui postqua
aliquot annis vitam solitariam pane
duntaxat de furfure aut siliquis cocto,
crudisque herbis sustentâsles: amore in
Mellifluum BERNARDUM, relicta
eremo, ad cœnobium te recepisti. Nec
finè cœlesti monitu. Videbaris enim
tibi, subito vocari ad DEI Judicis tri-
bunal: coram quo cūm supplex te pro-
stravisses; vocem sciscitantis audivisti,
quid peteres? Nihil verò aliud, quàm æ-
ternam salutem petenti, responsum
est, & mandatum: ut te ad Claramval-
lem conferas: ibi te id, quod postula-
veras, certò obtenturum. Militiæ ni-
mirum socijs egebas; ne te solam im-
petuosa maligni bella deprehenderent.
Is quippe videns, animi tui firmitatem
monstrifis larvarum terroribus expu-
gnari

Floruit
anno
1163.

Cœlius
ad Or-
dinem
voca-
tur.